



Isak Hammond
Inatsisartuni ilaasortaq, Inuit Ataqatigiit
/-Maani

Qaanaami tunisassiorfik pillugu § 37 naapertorlugu apeqqummut 2012-207-imut akissut

03-10-2012
Sags nr. 2012-073581
Dok. nr. 1028559

Asasara Isak Hammond

Postboks 909
3900 Nuuk

Qaanaami Nukissiorfiit innaallagissamik imermillu pilersuiviata piginnaasai pillugit apeqqutinnut qujanaq.

Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Apeqqutit imaattumik oqaasertaqarpoq: "Qaanaami aalisakkanik tunisassiorfiusinnaasumik annertuumik annertulaartumilluunniit aallartittoqassappat Nukissiorfiit piareeqqappat?"

Nukissiorfiit ilisimatitsipput, qammatit marluk matuma sionatigulli Qaanaami aalisakkeriviup pioreersup allineqarnera aallartinneqartoq.

Ingerlatseqatigiiffiimmit tunitsiviusumit ilisimatitsissutigineqarpoq, tunisassiorfik Qaasuitsup Kommuniata aamma Thulep Aningaasaateqarfiata suleqatigiillutik sanatikkaat, pingaartumik qaleralinnik qerititsivittut suliarineqarluni.

Alliliinermi pingaartumik qerititsivinni pisinnaasat annertusitinneqarput, qerinasuartitsivia toqqorsivialu suliarineqarlutik. Aalisakkeriviup 90 kW-t (kilowatt-it innaallagissiarisinnaasai) missaannik, tassalu pisinnaasaqarfisassaanik atuinissaa naatsorsuutigineqarpoq.

Qeritsitsiviup pisinnaasaanik annertusititsinissaq matumani pineqarmat – paasissutissiissutigineqartut malillugit – imermik atuinerup annertusinissaa naatsorsuutigineqanngilaq.

Tassalu matumani aalisakkerivimmi tunisassiorneq annertusitinniarlugu suliaq ingerlareersoq pineqarpoq.

Pingaarnertut Qaanaami pilersuineq imatut nassuiarneqarsinnaavoq:

- Innaallagissamik pilersuineq eqqarsaatigalugu, innaallagissamik annertunerusumik atuinissamut pisinnaasat annertusitinneqassappata, allannguinnissamik piumasaqartoqanngippat innaallagissamik pilersuinissaq killeqartussaavoq.
- Imermik pilersuineq eqqarsaatigalugu, pisinnaasat sinneqanngillat. Nukissiorfinit ilisimatitsissutigineqarpoq, Qaanaami imeqarfiup pisinnaasai

killeqartorujussuusut. Ullumikkut imermik pilersuineri ukiup ilaani ilulissanut nilattartoqartariaqartarpoq nilannillu aatsitsisoqartariaqartarluni. Taamaattumik imermik atuineq annertunerulissappat, imermik pilersuineri atortunut amerlasuunik aningaasaliinissaq pisariaqassaaq.

Matuma kinguliani Qaanaami innaallagissamik imermillu pilersuineri pissutsit sukumiinerusumik nassuarneqarput:

Innaallagissamik pilersuineq pillugu

Qaanaami innaallagissiorfimi generatoreqarfiit pingasuupput, tamarmik ataatsimut katillugit 1400 kW-nik pisinnaasaqartut. Illoqarfiup sillimmatit innaallagissiorfiata pisinnaasai katillugit 700 kW-iupput. Innaallagissiorfiup atorneqarnerpaaffia nalinginnaasoq ullumikkut 560-600 kW-t missaaniippoq. Atorneqarnerpaaffianulli tassunga aalisakkeriviup allilerneqarnera ingerlasoq ilaanngilaq.

Tassalu illoqarfimmi atukkat annertusineqarnissaannut illoqarfimmi innaallagissiaq (pisinnaasaq) naammattutut isikkoqarpoq. Tamannali annertuumik sillimaffigineqartariaqarpoq. Nukissiorfiit pilersuineri suliniutaanni allassimavoq, illoqarfimmi pissutsit nalinginnaasut tunngavigalugit innaallagissiorfimi motorit annersaat qaminngagaluarpalluunniit pilersuisoqarsinnaassasoq. Tassalu innaallagissiaq (pisinnaasat) atugassarititaasoq annikinneruvoq (900 kW-t missaanniilluni).

Tamatuma saniatigut tutsuiginartumik pilersuinissaq qulakkeerniarlugu, aalisakkerivimmum annertunerusumut atassusiisoqassappat innaallagissamik pilersuineri aqquersuutit allanngortinneqartariaqarput. Innaallagissamut tavlini il. il. teknikkikkut allannguutissat taakku piffissami sivilisunerusumi sanaartorneqartariaqarput.

Imermik pilersuineq pillugu

Oqaatigineqareersutut Qaanaami imermik pilersuiviup pisinnaasaata saniatigut pilersuisoqarsinnaanngilaq. Imermik pilersuineri aningaasaleeqqittoqassappat, tamanna pilersuineri aningaasaqarnermik ajornerulersitsissaaq, imermillu uuttuummut ataatsimut aningaasartuutiniq amerlanerulersitsissalluni. Taamaattumik Qaanaami aalisakkeriviup alleqqinnissaa eqqarsaatigineqassappat, tunisassiornerup eqqarsaatigineqartup imermik atuineri annertusititsinnginnissaa pingaaruteqarpoq.

Qaanaami imermik tunisassiorneri aningaasartuutit (uuttuummut ataatsimut aningaasartuutit) 2011-mi m^3 -mut 427 koruuniupput. Erngup tunineqarnerani m^3 -mut akiusoq 35 koruunit missaanniimmat, tamanna imermut m^3 -mut pilersuutigineqartumut ingerlatsineri amigartoorutit 392 koruuniupput.

Qaanaami imermik pilersuineri ukiup annersaani illoqarfiup imermut tankii $2.000 m^3$ -t marluk, qerinnarsinissaata tungaanut kuummiit immerneqartartut atorneqarput.

Nalinginnaasumik marsip qaammataata naanerata missaani tankini imeq nungukkaangat, illoqarfik imeqarfiup aatsitsivianit imermik pilersorneqalertarpoq. Tassani ilulissaniit nilannik aatsitsisoqartarpoq. Tamanna annertoorsuarmik aningaasartuuteqarfiusarpoq pisariullunilu, maannalu imermik atuineq tunngavigalugu

tamanna apriliimiit juunip aallartinnerata/qiteqqunnerata tungaanut ingerlasarpoq, tassani kuuk imermik pilersueqqilertarmat.

Aatsiterinermi maannakkut ullormut atukkat nalinginnaasut saniatigut imeq killeqartorujussuaq kisimi pilersuutigineqarsinnaavoq. Taamaattumik tamatuma saniatigut imermik atuineq annertusissappat, imeqarfik allilerneqartariaqarpoq, soorlu imermut tankit ataatsimik ilallugit. Imermut tankip 2.000 m³-p sananeqarneranut aningaasartuutissat 7½-10 mio. koruuninik amerlassuseqartussatut naatsorsuutigineqarput, toqqaviliornermi pissutsit il.il. apeqqutaassallutik.

Neriuppunga akissutigat naammagisimassagit.

Inussiarnersumik inuulluaqqusillunga

Jens B. Frederiksen